

三水縣志卷之二

文林郎知三水縣事閩溫陵林逢泰重脩

儒學古延州王 採分校

邑人文倬天編纂

張龍軒 同訂

地理

昔魏校地理之說以爲天文起於東南角宿而西北爲天門崑崙發於西北軋維而東南薄大海此天地相逆以成造化焉故地理必逆以固其氣大

三水縣志

卷之二

一

逆則氣以大聚小逆則氣以小聚自然之理也豳之地絡本於分水嶺則南北也嶺西有慶州逆折於密須爲北豳自西而南逆結於涑縣甘泉爲南豳原陁各九而三水據山川陰陽之會爲中豳又鎮以石闕鑱以九巖地之氣亦以逆而聚之其間廣平爲原下溼爲陁土原而水深西漢地理志曰秦地天下三分之一而人衆不過什三此地滿而難爲理境曠而難爲防也志地理

里甲

周制以五家爲鄰五鄰爲里四里爲族五族爲黨

五黨爲鄉鄉萬二千五百戶也同力合作以相守望今之邑必有里合十甲以編之殊異古制則力役粟米所取資焉三水自明成化肇造時爲一十六里至弘治歸併一十二里崇禎辛巳兵荒薦臻次年又併之有八里曰蒲村曰椒村曰職田曰金泉曰原得曰義豐曰南宮曰北宮今入邑版圖云

鎮市

周禮地官遺人九邦野之道十里有廬廬有飲食三十里有宿宿有路室路室有委五十里有市市有侯官鎮其廬宿市之類也所以相民宅待行旅

三水縣志

卷之二

二

防厥不虞焉

職田鎮在邑東北三十里唐時以爲縣至憲宗復移舊治今城三里相傳爲尉遲敬德務農處廟址存焉

張洪鎮在邑西三十里城週二里三分

土橋鎮在邑西南四十里當古公原之衝

底廟鎮在邑北五十里城週二里二分

太羽鎮在邑北二十里城週二里三分舊爲鎮今無集市矣

舖舍

三水之舖十有四所以備傳遞郵命以需急務而東則三舍西則二舍南則四舍北則五舍悉統於邑承發之總舖庶無曠事焉

東路有萬壽舖職田舖北坡舖達馬蘭以通榆林西路有魏落舖原得舖以達邠州

南路有甘峪舖姚家舖排沙舖土橋舖以應淳化

北路有馬坊舖大羽舖甘家舖長嶺舖三家舖以接

慶寧

關梁

天文斗六星曰關梁牛六亦關梁天蓋示人以設

三水縣志

卷之二

三

關造梁爲建邦大政以關所以詰奸梁所以濟人者也邇三面阻乎深溝獨東置石門關以稽警西造聚珍橋以濟衆柰日久廢弛允爲缺典倘仁人君子復起而重建之於以惠斯民良够也

石門關在邑東南兩壁如門磴石爲城舊設巡檢司守之盤詰奸細又於嶺上築岸門重關之險東方之屏籓也

今巡檢司久廢關以外乃耀
淳宜同四州縣交錯之地

聚珍橋在邑西志岐門外舊邑尹秦渠建造雖西溪

洪流汜濫利有攸涉也

今橋圯址存

便橋連西城通雙槐堡明末高邑侯創建年久水衝

崩康熙乙卯林邑侯重加脩葺名曰懸橋甃石架木上設堞墻以防不虞

汎水橋在邑南門外夏秋泛漲冬月架木爲梁民不病涉

土橋在鎮城東西門外東之大橋久圯工大難成土人夾溪築小橋行旅便之其西橋數十武今亦崩壞林邑侯捐貲募脩以通往來

細腰橋在縣西四十里接邠州界長六十餘弓平接兩岸細如蜂腰故名

道里

三水縣志

卷之二

四

司險掌九州之圖周知山林川澤而達其道路使人利有所逞況古之道有委積以惠及商旅哉三水之幅不踰百里其北抵朔方南接商顏西通金城東距五原可指掌而悉也邑之東九十里爲宜君界又七十里至縣西四十里爲邠州界又三十里至州南五十里爲淳化界又五十里至縣北五十里爲真寧界又十里至縣東南一百五十里至耀州自東而達會省不過三百里通畿甸亦不過三千里也

文倬天曰嘗讀豳風豳頌咸無道及地理者歎豳

雅一章可據以攷其木末水濱之所在按地絡而
詳徵之三水卽公劉所立國於豳谷之地而朱子
豳風註以爲在三水者爲豳地之有巘有岡有原
有陞有泉有澗其土之廣平爲原水之入地百尺
沮洳者爲陞傍陞之澹者爲澗故邑城枕澗以依
水也郊里棲原以順宣也石門隆結於邑東漢武
以此立關卽所謂巘也巘爲豳邑之鎮而陶復陶
穴固自在谷中蓋古公之舊俗陶穴者言土陶復
者言石石可穿而居如飛雲諸洞是也谷中卽陞
也陞上之溥而平者是稱溥原溥原之東有細弦

以扼分水嶺之吭設鎮以職田其西有細腰以抵
水澗之衝設鎮以張洪其北赤坂以樹密姑之障
設鎮以底廟而原陞之半有太羽以中控之若各
鎮設防以禦洵三面之藩翰也矧土橋又鼎峙於
古公原以屏其南形勝之家相其建邦之得地勢
如此且邑背雞阜之京者抱乎其東面坤水之師
者環乎其右所謂京山而師水京師之野可爲處
爲廬而居焉禹貢雍州原陞底績鄭注曰其地在
豳故豳之地一原一陞交錯而爲田詩之度其原
陞者其陞可以收流泉之利其原可以行徹用口

法惜乎□□開而原以傾側陞以險蹶之不可爲
轅爲限也夕陽之地邠州以西自涇至於汭外者
古人皆歸於豳此其居之所允荒歟聊爲之詰以
補丹淵集白虎通所未悉若夫防禦之策則先有
太青世父之豳防議及今林邑侯之詳文在

山川

昔虞帝封十有二山濬川是山必表之以爲鎮州
必通之以爲利也禹貢則九山刊旅九川滌源於
以祭告而濬導之爰作乎國紀焉雍州之山川亦
在虞夏封濬之內而豳之形名山亦名水自公劉

三水縣志

卷之二

六

景岡而瞻泉相乎陰陽以眎寒燠之宜觀乎流泉
以警灌溉之益爲授民定居計也陟石門之高巘
而睇谷中之百泉再登南岡邑前之翠屏垂於水
口迺觀京岫邑東之雞阜俯乎汎于皇澗之環於
其後而過澗之繞乎其右也京丘之山水多人跡
之罕及者卽就目耳所閱一爲撫拾曰山曰嶺曰
洞曰巖曰峪曰川曰泉曰河曰澗曰湫蓋未可縷
數焉志山川

豳山

石門山□名堯門堯鑿之以洩洪水至漢更名石□

在邑東南爲豳國之鎮高峻插天對峙如門以漢武於此立關而爲名也子午之脉隆結以爲峯焉又太青題云唐堯帝鑿闕門通雍州之至界周武王□豳阜望雒邑之絕峯

肖塏山在邑之東形似七絲浮圖直聳干雲巍峨礙日亦石關之支也

石觜山亦名馬闕在邑東十五里三面壁立如削一徑蜿蜒若繆水經其下灣環而曲抱可立砦以禦兵焉

雞阜山在邑東里許舊縣之城址在其前焉盤迴三水縣志

卷之二

七

如螺突聳若壁俯眎邑隍錯以繡齒侯君集之塚當其麓

翠屏山亦名掛榜豳雅稱爲南岡者蔽邑城其若屏鏤水口以如礪蒼翟欲流迺一縣勝地峯尖有孫真人行祠元夕並二月二日□山布燈燦若列星焉

焦家山在掛榜之南五里荒門湧地以起極目荆榛迤東北則萬壑競秀也

□家山自石門之北而折入焉林木陰翳千巖環拱不復有平壤矣

蘭陵山抵邑六十里日出啣山丹霞掩映誠羽客之
霸宅奧區灑然出塵墟外

□林山在邑東七十里因上有舊建茂公祠而得名
也祠雖久廢吞雲吐霧若有霸氣磅礴焉

鳳凰山在邑之西北隅岡若鳳形舊有阿陡堡建於
其椒今廢址猶存

蟠龍山去邑三十五里蜿蜒盤礴於夕陽之東北繞
疆土而廻翔之則豳之形勝也

劉家山在邑東四十里舊有炭窠歲供埽場邑民資
之康熙寅卯秋雨崩陷遂失其利

三水縣志

卷之二

八

分水嶺當邑之東北九十里爲豳山之祖亦豳水之
母也其嶺上接子午北入大漠嶺東爲延州西爲
慶州慶之九川畫地而爲豳

堡嶺在邑東三十里即漢之左谷後秦魏武王姚襄
立寨三百六十而堡嶺其一也嶺之連蜷似龍上
有元人所建蘭若形勝殊奇而支之傍出者俗名
龍觜孝子文少蒼易名龍山種側柏千株翠色欲
滴清泉瀉以百尺峭壁峙其三面攬勝探幽者□
屐不絕文倬天有龍山八景詩以紀其事

中嶺在堡嶺之右巖覆數丈可蔽風雨其麓有官家

桑村二洞陶復曲折宋元明之士民多避烽其中攢天嶺在石門之南峻轟切雲洑回以登巍乎若上天門之九關也文太青過此改名捫天有詩見後官家洞亦名飛雲洞在中嶺之下即古公時之陶復陶穴者陶穴則土而陶復則石也峭壁危巒不可攀援村人辟兵於其中少叅文和一所稱棧道連雲石梯落霞爲鑱以碣記之

桑村洞在官家之左或爲元西臺御史桑哥失里所穿門依碧流崖懸柏靄久爲攬勝者所取

趙家洞亦名琅天去邑二十五里光祿文太青生於三水縣志

卷之二

九

洞陽之柏下其巖深長寬平可作檻以眺遠內有石屋日月時入其牖烟雲常繞其梯文龍軒爲賦以紀之

流石洞在琅天之右洞開谷中環繞如城而外巖對峙爲門遠睇曲水平田悠然有枕流之思

白石洞在邑東七里文倬天種桃百株於其麓改名爲桃源洞春月紺紅如錦清流若帶奚翅武陵焉黑石巖在邑東南五十里巖色黝淄似漆壁立萬仞林木陰翳人跡所罕到

觀音巖在趙洞之左谷中上則藤蘿垂蔭下則漣漪

紆曲且石室階下霽湫清湛深不可測凡遇曠輒
祈而輒應

白虎峪在邑西北一十五里即唐鄭谷詩所謂峪□
白虎藏岩洞是也茂草四圍長峪七折野境殊爲
幽清

甘峪去邑十里爲赴省孔道商旅所違還焉水疇高
低衢柳參差南上五里之長坂通乎古公原

豳水

汎川在邑城外抱乎南闔見於許氏說文亦名師水
取地中有水師之義也灌溉川田民獲其利過邑

三水縣志

卷之二

十

四十里以入於涇

七里川在邑東南接壤其坪舊爲寧谷驛山迴而水
折去佛面坡不遠乃山徑之中逵

勅脩川在邑東北爲後秦姚襄而得名也其源出□
水嶺經乎延川瀟泝南奔合皇澗達於涇水

皇澗在邑北二十里當溥原之後澗大故稱皇可夾
而居也俗訛名爲唐川

過澗亦名梁渠在邑西北一十八里卽文與可丹□
集所稱三泉之炭泉者澗起於溥原自北□西南
過其境爲之過澗□□光祿□汎川及兩□□三

水之總名也

稍泉在邑南磯頭之隈地湧二泉突出水面波底之石玲瓏如峯泉內之流清泠若玉有螾蜃產於涯間

白馬泉源出於大像寺下其色紺碧每歲陰雨則伏而不流曠軋則湧而溢出人竟莫測其異

溫泉在寶峯峪中其流出爲溫涼河沍寒不澌蘊隆生涼且清甘如飴也以上三泉通志爲邑名所自起

王泉在玉泉觀之左水冽而甘淵深丈餘水浮岸平

三水縣志

卷之二

十一

有物穢之則涸故以玉名之甲寅夏旱林邑侯禱雨於此立應

金沙泉在邑北一十五里其泉出半川溥原之下通志云昔有人飲此水見金色燦爛故名之唐鄭谷詩謂地湧金泉過石門即此也

堡嶺泉名龍泉亦名天池在堡嶺絕頂兩面石壁數仞泉自嶺上直流而下徑達堡中昔元人據堡嶺汲飲不斷者賴此

東澗河在城東賓暘門外清流如綫環堞而注於汎水背人有導之以入城者今廢

西溪河在邑西志岐門外□繞城根右環槐堡學圃者多引灌爲利夏秋雨水澎湃橋宜防備

連家河在邑東十里發源石門繞中嶺北流入汎水
凡山寇往來多經此路

觀音湫去邑二十里在石室之下深湛如淵豐草環翳凡遇天旱禱雨霽感或爲神龍之窟宅也

萬壽湫在邑東北二十餘里當羅唐□川之交唐夫曆八年因風雷湧聚而成淵

石門湫亦名乾湫在秦太子扶蘇廟之下林木芊蕤曠軋祈雨虔誠乃應如甘露或見於屋梁樹杪間

三水縣志

卷之二

十二

注之瓶以禱此湫之神異者也李邑侯重脩其廟而懸之扁

古蹟

古之名山大川所以稱勝於函夏者匪徒山之峙□之流極天蟠地形勢之崇隆也盖亦有神聖高賢之遺蹟焉豳自公劉相陰陽於京野郇侯膏黍苗於溥原三泉之名著丹淵之集雙槐之堡屯元將之兵岫渚莽蒼精靈紆鬱其舊墟故趾鑿鑿可探也語曰涉其故丘昔人昇遊睇於道周今人昇諏永言流風睠此都之可懷也雖右今興廢不能

無鶴歸華表之嘆其不昇世俱徂者則惟其人志古蹟

公劉京師之野在邑北溥原即半川原溼之中也後皇澗而右過澗面南岡以居者

古公鄉在邑南三十里上連土橋迤南即公劉墓郇伯封域即三輔圖所謂郇邑城在邑東二十五里舊三水之廢縣在此

八王城在唐川中流之間爲後秦姚泓等故隍也舊址猶存

扶蘇廟在石門山萬峯中兩壁峙立世傳秦太子扶三水縣志

卷之二

十三

蘇授國典三物處苑後成神人爲立廟廟下有湫天暎禱雨即應

魏王樓在層巒疊巘之中舊姚萇爲兄姚襄建置四圍奇峯環如屏帳迺大觀也

半川府在邑北十五里唐太宗關中設府兵二百六十一屯此其一也以地當九原九陞之中故曰半川以屯府兵故曰府左右寺院金石皆勒武義將軍之號文少白之家卜居於此

隴川堡在半川之後四面壁立溪澗環之隋大業間於此立縣堡北臨河傳爲四仙驛遺跡存焉

雙槐堡在邑西五十步四壁懸崖碧流東繞下有古槐一根二幹故名上有平地二頃官舍民屋卜居焉前高邑侯創始今林邑侯重脩已詳前志兩女砦去邑七十里地勢高聳踞風之尖齊雲之影南望平衍如列足下麓有兩塚存焉舊傳秦扶蘇二女卜葬於此

泰塏在邑城東北隅高十五丈七級八角二十四窻磬砌甚工其陰建寶塏寺

舊志載唐吐蕃入寇塏經火焚積久損傷塏遂東斜萬曆間邑人文運開葺之順治甲午六月十日地震仍端正如初辛亥脩焉廳沈梯陟巔眺遠捐資築垣邑士庶因重脩焉疊棚連梯陟巔眺遠

三水縣志

卷之二

十四

乃一邑奇觀

少塏在邑西寶峯院前朝納磯頭之雲夕迎翠屏之月長河環抱景致殊幽

惠濟院在兩平村傍金大定三年勅建今雖荒廢而有布金之遺踪云

洪福院在邑南十五里有鑱以文有石以記雖天琴久沉而故址可思

大像寺去邑東里許金大定元年脩建基踞高阜俯眎邑城若繡齒焉白馬之泉源出其麓翠屏之岫雲邏其前昔爲邑僧會司久廢

寶塏寺在泰塏之陰浮圖峙面崇岡枕背佛殿軒麗
紺馬翱翔時有高僧托足亦幽谷之鼓林也

舊址頗廣相傳爲唐時六利經火無存天啟六年邑人文毓鳳同諸生王遂昌張心昌等相地鳩工又建大殿大悲佛母堂三間地藏殿一座

寶峯寺在邑西温涼河之上唐太和三年建師水東
奔而回抱赤嶺西繞以盤紆可以眺遠

金泉寺以金沙泉獲名在半川府之東中有偃蓋之
松亭亭獨秀法遵白象地布黃金一方資爲福地
洪仁寺在青冑原唐時勅建遠山含青以曲繞春原
展翠以參差頗堪寓目

三水縣志

卷之二

十五

淨土天王寺在邑南三十里宋淳化三年勅建界開
人天法衍龍象碣記出自御製地勢盖崇隆也
福延寺在邑東北五十里址週二十畝金大定三年
勅差侍郎阿典建內有古松一株蒼翠欲滴遠望
有凌空之致

莊嚴寺在前泥陽邨大元七年勅差中書省右丞周
德建遠睇平田川原交錯成景致焉

龍巖寺去邑東南四十里金大定五年耶律監造紺
碧繡錯今雖荒廢而遺址尙宏敞也

悟空寺俗訛爲無功寺在邑東四十里千尺石崖穿

鑿爲洞長五丈濶三丈陶復石室聯絡七所匪徒爲禪關亦可以避兵也

堡嶺寺在邑東三十里元人勅建一徑通乎嶺巔常霏花雨三面繞乎河帶時聞天琴前泉流玉後岫列屏洵爲勝地又有高僧起公延安人卓錫於茲寺閉關焚脩八十年所一日沐浴合掌書偈貽弟子曰八十年來如掣電臨行與汝通一綫形骸脫落如金蟬一性圓明空裏現四海無居似片雲十方世界遊履轉遊履轉見不見倒騎泥牛入祖殿書畢涅槃而逝今遺龕猶存焉

三水縣志

卷之二

十六

玉泉觀在玉泉之右故名內有古柏數株溜雨參天森然如虬龍之蜿蜒儒學劉翀有詩以紀之

附墳墓

侯君集墓依雞阜山爲唐之勳臣遺墟獨存不見有翁仲云

馬沼墓在邑東北十里其堡頭誌石因崩而出居民毀之

范祥范育墓俱在縣南原太慈村二塚相望舊碑巋然

第五均墓在邑西三十里蒲東舍之間按第五氏墓

表云先世出齊田橫之後諸田徙園陵者多故以
次第爲氏舊雲陽靖川人後從三水子孫因以爲
家焉

五女塚與第五氏墓相比元祐間碑文在其塚內未
審何故也

文儀部少白墳在縣北南宮之文林左環白石嶺右
邏東澗河屬艮山支龍以隆結焉

文少叅和一墳在半川之東南二里艮龍結脉坤水
開堂塚左側有孝子少蒼廬墓三年之遺跡存焉

劉偁墓在縣西蒲泉舍康熙十年奉勅諭祭葬建

三水縣志

卷之二

十七

塋立碑以旌其忠節

田賦

周禮以九賦斂財賄五曰邦縣之賦制自冢宰而
大司徒又以土均之灋辨五物九等王天下之地
征以收財賦咸宗禹貢以齊厥政也禹貢雍州厥
土惟黃壤厥田惟上上厥賦中下今之豳土稱原
陞同乎下下其賦不翅上上是以民流地荒斃於
鞭笞而求豁無策矣豳稱原陞之野者以其高爲
原其下爲陞豳有九陞而邑當其中陞則其復穴
之隩也自陞登原則爲四閭之田從原下陞則有

川澤之賦凡側蹶之坂樵牧之地盡坐之以糧公
劉徹田之漚不可復覩矣志田賦

地糧

考舊志自成化立縣之地始載地七千頃內有
山嶺水灘原不化行糧之地後增宗米與夏蘭

紅古靈倉之改倉口俱改蘭州增銀二千司庫之
佃糧靈臺之倉徵布價又邠州倉之糧二千四百

地二十餘兩萬曆問馬州判千丈地百餘頃溝增
地二千餘百頃通計地八千丈地百餘頃山額糧

二萬六千餘石及明末兵荒疊
臻累年賦逋無庸載今依

國朝賦役詳列於後

原額五等共地八千二百二頃四畝九分五釐畝科

不同共額糧二萬六千一百七十二石七斗五升

三水縣志

卷之二

十八

七合九勺零徵銀二萬七千四百四十兩三錢六

分零順治七年免過荒地四千五百九十五頃八

十五畝五分二釐二毫免糧一萬四千六百一十

二石六斗二升三合九勺零除銀一萬五千三百

二十兩三錢四分五釐零康熙八年秦屬蠲免案

內免過興屯捏報地四百七十六頃四十九畝二

分零豁糧一千四百三十八石一勺七抄零除銀

一千五百七兩六錢四分五釐零

實任地三千一百四十九頃七十畝一分六釐

口在糧一萬一百二十二石一斗三升三合七勺零

徵銀一萬六百一十二兩三錢七分四毫零因今丙辰

匱乏議於鄉宦百糧銀每兩加
徵三錢惟生員百姓不徵

戶口

按舊志立縣後有一千八百四
一千三百八十有二口及裁併里甲
一萬

百三十餘戶邇年隣寇擾攘逃亡
衆古今之異盛衰之感能勿勤恤與

原額民戶三門九則其折下下門六千四百八十五

丁除優免四百四十三丁實行差六千四十二丁

內豁逃亡一千一百五十五丁秦屬蠲免案內免

招回虛捏七百四十六丁

實在丁四千一百四十一丁康熙十四年編
審新收四十年丁

三水縣志 卷之二 十九

徵銀九百四十兩五錢四分一釐零今在編審收除
見詳請

均徭銀原額一千二百一十八兩五錢三分一釐四

毫內除荒銀六百八十兩四錢一分零秦屬蠲免

案內免銀六十六兩九錢零

實徵銀四百七十一兩一錢六分五釐一毫零

匠價銀二十八兩二錢一分五釐

停免銀六十九兩二錢五分九釐六毫六忽

軍籍銀三百二十兩五錢四分六釐九毫八絲二忽

一微九纖八塵七渺

起運

倉按賦役永舊昌倉載起運內夏倉稅有原寧夏鎮各處
小麥折價甘鎮西糧寧有倉延鎮榆林固廣有蘭州寧廣積大
倉各折價粟宗祿折有價又府固秦州瑞府延鎮米神木倉
馬草折價宗祿折有價又府固秦州瑞府延鎮米神木倉
西安府常槩庫麥地丁塩布并節裁皆九釐折各色等
項名色府今槩更庫名麥地丁塩布并節裁皆九釐折各色等
起解自二甲寅軍興改倉及本撥運米各處軍前有糧
派銀派二甲項運納省倉及本撥運米各處軍前有糧
徵折益甚屢經一詳而
民累折益甚屢經一詳而

地丁并裁克各項共起解銀一萬一千七百三十一
兩八錢五分三釐三毫二絲一忽五微六纖七塵
六渺

存留

三水縣志

卷之二

二十

古者設官授祿而在官者因兵餉節裁以及一
祀教養之儀經制甚備歷者因兵餉節裁以及一
今以軍興槩裁克備所留
無幾故即原額而備忠之

經費
經費襍支等項共徵銀七百三十五兩六錢四分一
釐一毫九絲九忽二微二纖九塵二渺

經費

本縣知縣一員

俸薪油燭傘扇
原額銀七十兩五錢四分
除荒豁免外實徵兩并應增銀二分十議兩裁

五錢七分
三釐零

心紅紙張
原額銀二十九兩一錢四分
并應增銀二十九兩一錢四分
除荒豁三釐外實徵

脩宅家伙
原額銀二十兩
十兩久裁

脩理倉監并原額增銀二十九兩一內錢除四分豁三免釐外實徵

吏書一十二名九原兩額六銀一久百裁二十

門子二名免原外額實銀徵一并十應四增兩銀四五錢兩內四議錢裁八除分荒零豁

皂隸一十六名除原荒額豁銀免一外百實一徵十并五應二增銀錢四內十議三裁

分兩一八釐零九

馬快八名外原實額徵銀并一應百增四銀十四兩一內兩議四裁錢除四分豁零免

民壯五十名外原實額徵銀并三應百增六銀十一兩一百內三議十裁七除兩荒一豁錢免

釐五分九

燈夫四名外原實額徵銀并二應十增八銀兩一八十錢兩內九議錢裁七除分荒零豁免

看監禁子八名豁原免額外銀實五徵十并七應兩增六銀錢二內十議一裁兩除九荒

三水縣志 卷之二 二十一

錢四分零

轎傘扇夫七名免原外額實銀徵五并十應兩增四銀錢一內十議九裁兩除二荒錢豁

零二釐

庫書一名二原兩額久銀裁一十

倉書一名二原兩額久銀裁一十

庫子四名外原實額徵銀并二應十增八銀兩一八十錢兩內九議錢裁七除分荒零豁免

斗級四名外原實額徵銀并二應十增八銀兩一八十錢兩內九議錢裁七除分荒零豁免

興史一員

俸薪實原徵額并銀三增十銀一兩十五錢兩二分錢內一除分荒九毫免零外

書辦一名二原錢額久銀裁七兩

門子一名實原徵額并銀應七增兩銀二錢內七議錢裁西除分荒零外

皂隸四名外原實額徵銀并二應十增八銀兩一八錢內十議錢裁九議錢除分荒零

馬夫一名實原徵額并銀應七增兩銀二錢內七議錢裁四除分荒三豁釐免零外

教諭一員裁缺

訓導一員

俸薪實原徵額并銀應三十增一銀一兩十五錢兩二分錢內一分荒九豁毫零外

喂馬草料徵原并額應銀增一銀十五兩兩四錢除八荒分豁六免釐外零實

齋夫六名外內實裁徵三并名應原增額銀銀一三十一六兩兩四內錢除五荒分豁零免

膳夫二名實原徵額并銀應四增十銀兩六內兩議九裁分除五荒釐豁免外

書辦一名二原錢額久銀裁七兩

三水縣志 卷之二 二十一

門斗五名豁內免裁外三實名徵原并額應銀增一銀十六兩兩五錢五內分除零荒

廩生二十名十原二額兩銀久一裁百九

雜支

春丁并清明等節實原徵額并銀應四增十銀二兩十內兩除三荒錢豁七免分外

零六釐

秋丁并七月十五等節免原外額實銀徵四并十應三增兩銀內二除十荒兩豁

二九釐錢零三分

鄉飲徵原并額應銀六兩一內兩議四裁錢除六荒分豁三免毫外零實

脩理倉廩并舖墊板席外原實額徵銀并二應十增兩銀內九除兩荒七豁錢免

三釐五分五

協濟邠州水北棗渠二渡水夫二名原額銀九兩六

二豁免兩三外實錢三分六應增零銀

解邠州船木原額銀二兩六錢六分六釐

置買刑具原額銀四兩八錢六分七釐

各舖司兵二十三名原額銀九兩四錢四分

五錢八分零

鍾鼓樓更夫三名原額銀七兩二錢三分

解布政司紙劄原額銀五兩二錢四分

孤貧九名口糧原額銀十兩五錢二分

八錢八分零

三水縣志 卷之二 二十三

孤貧冬衣布花原額銀四兩五錢二分

走遞馬匹夫役工料原額銀八兩五錢二分

內馬夫除荒豁免外實徵并應增銀四兩五錢二分

歲貢盤纏二年一辦原額銀一兩八錢四分

夫錢一名八釐三今又料銀四兩五錢二分

舉人盤纏三年一辦原額銀一兩八錢四分

一錢四分零

進士坊價三年一辦原額銀一兩五錢七分

毫分零一

以上經費支料等孤除糧舖司半裁工外食紙全割春

驛站

漢屬武關驛協站銀六十四兩一分一釐一毫零入裁

起運

臨洮府屬狄金二縣驛站銀二千一百六十七兩六

錢八分八釐五毫零起裁入運

鞏司清水所夫牛工料銀三兩三錢五分七釐五絲

裁餉

課程銀一十六兩三錢入起運

換帖銀一十一兩七錢解克餉

三水縣志 卷之二 二十四

學田原額地上下不等共二頃七十一畝零徵租麥

一十石四斗二升八合五勺穀一十石四斗二升

八合五勺此項原為賑給貧生之需餘者變價克餉今議全裁

畜稅原無定額因集市盈虛取稅多寡儘在詳請

地稅舊額三十兩所奉起督憲鄂便之題蓋三以地土瘠

賦重買置少也今照江南例

鹽法額引六百張本縣食河東名鹽山溝間阻商販不

侯招商運塩按季

茶法本縣山僻之邑民不嗜茶路不通馬

邕外史曰三水古邕谷枸邑雍州所為原隰底績

者是也攷神禹則壤之年懷襄初平宜於西北之高爓不宜於東南之卑濕故雍惟上上而楊惟下下今則高爓變而礲埆卑濕變而膏腴雍之黃壤不及楊之塗泥矣原者變爲溝渠濕者變爲澗壑豳之峭寒又不及秦川大邑之沃衍矣篤公劉之篇曰豳居允荒盖統三豳而言之故地廣民稠也今則民逃而地荒矣又曰徹田爲糧言上有公田之養下無私田之稅故其蓄積足恃今則屬畝加稅而二猶不足矣豳風之二章曰爰求柔桑其三章曰八月載績今則不桑不麻休其蠶績矣漢隋

宋元以來史稱其力穡務本俗尙勤儉者非盡天性良由地勢使之然也豳處叢山荒谷之中幅隕不踰百里而溝嶮嶺灘居其強半側蹶陡确草結石埆麥豆穀蕎而外百無一產居乏懋遷商販裹足不前民貧賦逋多流亡而鮮土著職此故也明自成化置縣以水川原坡塹五等爲則而飛灑影射畝科失實賦之不均自此始其後沿至嘉靖一變於五項之改添嗣至萬曆再變於均丈之妄報地止七千頃而科糧增至二萬六千有奇實倍於秦川大邑之右賦之重以益重而民之逃以益逃

雖十六里節裁爲八里然里裁糧未裁也我

朝薄賦蠲征豁荒糧萬四千六百餘石善矣嗣而順治十三年以興屯捏墾復爲民累至康熙八年始豁虛糧千四百三十餘石民困其少蘇乎乃續荒九百八十餘頃以造冊愆期不得與秦屬一例蠲免者豳民抑何多不幸也邇自甲寅軍興改徵本色撥運省倉及軍前蜚輓維艱且派夫百六十名從陳倉運至漢川費更數倍乙卯歲派車七十九輛因疊溝懸崖從無車載每輛折夫二十名運抵涇平兼之寧寇焚掠逃亡八百餘丁名雖八里實

三水縣志

卷之二

二十六

去其半今丙辰歲復派夫驢一千四百餘名從雲棧黑水大泥三路進勦隨軍蓐食爲期尙賒其爲費不貲約畧計之三年之間浮費不翅與正賦等而且間架有稅矣地稅議增矣額外之供億日繁而額內之存留者槩裁克餉矣嗟嗟以萬有餘兩之正供尙苦莫支矧益之以慘遭寇掠費糜千萬匪從天降匪從地出民生之膏血幾何竊恐民逃者之不至盡迹地荒者之不至盡荒不止也司牧林邑侯勞心撫字屢牘請豁雖持籌者心俞其艱苦而軍興旁午安能使之足民而兼以足兵裕食

而兼以裕餉也其亦處于兩窮之勢矣乃民苦賦而重苦之以鹽法茶政也則尤有可議者山僻而招商不至民貧而運鹽無資銷引踰期食淡者衆是食河東鹽不如食花馬鹽之較便也又况半菽不飽何知春芽羊牛無牧誰畜龍友指子虛爲私販以烏有爲功次種種苦累是在善後者之變計耳總之古此枸囿今此枸囿也地瘠賦重而民以窮民窮而戶以逃戶逃而地以荒地荒而賦以逋始之累民而究至於累官碩安得公劉之篤愛郇伯之陰膏早爲之計或豁其荒糧或蠲其遠運而

三水縣志

卷之二

二十七

風俗

孝經載孔子之言曰安上治民莫善於禮移風易俗莫善於樂禮節民情樂和民聲政以行之刑以防之禮樂政刑四達而不諄則王道備矣周元公爲冢宰時爰制禮樂以輔成王述后稷公劉之化迺作豳風以戒之厥後仲春擊土鼓歛豳詩以逆暑其仲秋迎寒亦如之所以知天時而授民事上以誠愛下下以忠利上祭祀有時燕饗有節王化

行而風俗之美如此語曰百里不同風千里不同俗豈限於高山大川之風氣而習俗亦隨之變異哉志風俗

交際

戴禮曰凡交除者七介以相見也不然則已慤三辭三讓而至不然則已蹙甚矣交必以恭也豳人之初謁長相也必以幣以程久則差之至於吉禮則布帛兼餽凶禮則以牲食恒儀則以羊醴從其質也

婚禮

三水縣志

卷之二

二十八

釋名云婚者昏時以成禮也古者有問名文定之禮有納采行幣之典及期有奠鴈親迎之儀不相瀆也今豳之士大夫家有遵文公禮以行猶不能盡合也至於比間弗克舉者助以成儀亦有爭其財禮互相詬詈者失厥古風宜痛革之

喪制

檀弓述孔子之語曰三年之喪吾從其至者謂其自盡也而服問又謂斬衰唯而不對齊衰對而不言其哭若逞而不反也大功言而不議三曲而偯小功總麻議而不及樂哀容可也禮則有不可踰

者豳之士大夫依家禮以行者有之至於齊民信
堪輿盛幡幢浮費無益亦有守制衣帛拜喪婚娶
司風憲者當釐其弊焉

祭祀

易云王假有廟致孝享也尙書又云鬼神無常享
享於克誠誠敬也而孝亦爲敬惟敬以用享則明
馨之薦矣至於葬祭之禮文太青酌文公家禮分
以三獻豳之士大夫有遵以行者若夫寒食掃墓
孟冬送衣長至元旦設位祭享士庶兼行焉

豳風八章

周公以成王未知稼穡之艱難故陳
稷公劉風化之所由使瞽矇朝夕

三水縣志

卷之二

二十九

戒諷以誦

七月流火九月授衣一之日鬻發二之日栗烈無衣
無褐何以卒歲三之日于耜四之日舉趾同我婦子
饁彼南畝田峻至喜

七月流火九月授衣春日載陽有鳴倉庚女執懿筐
遵彼微行爰求柔桑春日遲遲采繁祁祁女心傷悲
殆及公子同歸

七月流火八月萑葦蠶月條桑取彼斧斨以伐遠揚
猗彼女桑七月鳴鵙八月載績載公載黃我朱孔陽
爲公子裳

四月秀萋五月鳴蜩八月其穫十月隕穽一之日于貉取彼狐狸爲公子裘二之日其同載纘武功言私其縱獻豸于公

五月斯螽動股六月莎鷄振羽七月在野八月在宇九月在戶十月蟋蟀入我牀下穹窒熏鼠塞向運戶嗟我婦子曰爲改歲入此室處

六月食鬱及薺七月亨葵及菽八月剥棗十月穫稻爲此春酒以介眉壽七月食瓜八月斷壺九月叔苴采茶薪樗食我農夫

九月築場圃十月納禾稼黍稷重穰禾麻菽麥嗟我三水縣志

卷之二

三十

農夫我稼既同上入執宮功晝爾于茅宵爾索綯亟其乘屋其始播百穀

二之日鑿冰冲冲三之日納于凌陰四之日其蚤獻羔祭韭九月肅霜十月滌場朋酒斯饗曰殺羔羊躋彼公堂禰彼兕觥萬壽無疆

篤公劉六章

召康公以成王將蒞政當戒以民事故咏公劉之事以告之

篤公劉匪居匪康迺場迺疆迺積迺倉迺裹餼糧于橐于囊思輯用光弓矢斯張于戈戚揚爰方啟行篤公劉于胥斯原旣庶旣繁旣順迺宣而無永歎陟則在巘復降在原何以舟之維玉及瑤鞞琫容刀

篤公劉逝彼百泉瞻彼溥原乃陟南岡乃覲于京京師之野于時處處于時廬旅于時言言于時語語篤公劉于京斯依蹒蹒濟濟俾筵俾几既登乃依乃造其曹執豕于牢酌之用匏食之飲之君之宗之篤公劉既溥既長既景乃岡相其陰陽觀其流泉其軍三單度其隰原徹田爲糧度其夕陽豳居允荒篤公劉于豳斯館涉渭爲亂取厲取鍛止基廼理爰衆爰有夾其皇澗遡其過澗止旅廼密芮鞠之卽

豳外史曰籥童歛豳詩卽七月之篇而豳雅豳頌

獨缺鄭氏三分其篇及變音節之說未有考據或

三水縣志

卷之二

三十一

以楚茨四篇爲豳雅思文良耜諸篇爲豳頌朱子猶疑之姑闕焉可也然周自公劉遷豳厚於民事克篤前烈王化所由起篤公劉一什所云巘澗隰原與豳相協朱考亭之釋豳谷蔡仲默之釋雍原殆本此歟故錄繼豳風以志豳立國之始云文倬天曰周之天下列爲十五國而國各有其風與俗焉諸侯每歲采之以貢於天子天子受之以頒於樂官於以考其俗尙之美惡而知其政治之得失也漢書曰豳風一詩言農桑衣食之原甚悉力穡務本其民有公劉遺風而隋書又言豳人敦

龐務農業而尙蓄積宋志云豳之士田礲瘠其俗
貴乎勤儉穆然見一十五國之風惟豳爲醇豳自
公劉立國之後風俗淳厚上下之情交相忠愛周
公攝政采其風化被之管絃令瞽矇朝夕諷誦以
戒成主使知稼穡之艱鷄今之俶載者建寅以序
具仲春則播菽亦于耜舉趾之遺也亞旅力耕主
伯以饁其風猶存倉庚載鳴女之執筐求桑無幾
數年以來比戶學紡而篝燈以織庶乎卒歲之有
資其載績之義乎初夏而厥秀惟萋盛暑而厥鳴
惟蜩鬱奠之可食去寒似遠不知純陽以歷一陰

四陰穰冬之計宜預謀也大火西流授衣伊始棗
可剥也稻可穫也爲酒以供老衍賓而瓜壺苴荼
備農之恒食豳人長少之有節如此又純陰之月
納稼畢而大寒畱期群入以執宮功薰鼠使不得
穴其中室穹使不能導其風禦寒之術較密又口
北之牖塗戶之疎招婦子以室處愛幼之義每歲
行之及滌場而鄉飲之禮肇舉兩尊敞於房間而
羔羊朋酒躋公堂以穉觥曰萬壽無疆其忠貞之
奉乎上者又無窮也公劉之遺澤及豳而有以變
其俗閱十三世元公采之作豳詩以風後世至宋

而其臣有繪七月圖奏於上而書諸御屏矣柰垂
世綦久習尙漸漓游惰抗敝多逋賦輕去其鄉
風之化寢衰故元人傷之敢述其遺俗稍近爲采
風者疏其大略焉